

CLASSIS XI.

DE EMULSIONIBUS

ET ALIIS

MEDICAMENTIS EXTEMPORANEIS.

EMULSIO E SEMINIBUS

FRIGIDIS MAJORIBUS.

℞. Seminum decorticorum Cucurbitæ,
 Melonum,
 Citrulli,
 Cucumeris,

— ana drachmas duas.

In mortario marmoreo contusis paulatim affunde
 Aquæ Violarum ————— uncias sex.

Mixtis omnibus ac dissolutis, fiat colatura cum
 forti expressione, modico Saccharo si placeat dul-
 cificanda.

Refrigerat, humectat, ac sitim extinguit.

Aa

EMUL-

EMULSIO CAMPHORATA

WERLHOFII.

℞. Seminum Melonum ————— unciam, semis.

Cum Aquæ Scorzonæræ unciis quatuor fiat E-
mulsio; cui percolatæ admisce

Unicornu veri subtiliter pulverisati,

Bezoartici mineralis,

Nitri depurati, ————— ana drachmam unam,

Camphoræ rasæ ————— scrupulos duos,

Sacchari albißimi ————— quantum sufficit

ad gratiam.

*In febribus malignis cum delirio ac convulsione.**Dosis ad cochlearia.*

CREMOR HORDEI SIVE HORDEATUM

℞. Hordei mundi ————— libram unam.

Coque igne lento in sufficienti quantitate Aquæ
fontis: post unam vel alteram ebullitionem aquam
projice, & novam affunde: rursus coque ad quatuor
vel quinque horas; coctum deinde Hordeum runde,& per setaceum trajice: Cremori extracto adde
Sacchari albi ————— quantum sufficit:& si opus fuerit modicum recoque, ut justam con-
sistentiam acquirat.*Nutrit, incrassat, ac refrigerat.*

SAPO-

SAPONEA SOLIDA.

℞. Amygdalarum dulcium mundatarum

— uncias duas.

Contunde exactissime in mortario marmoreo,
sensim affundendo

Aquæ Violarum — uncias sex.

Traice per setaceum densum : cremori extracto
admisce

Amyli subtiliter pulverisati — drachmas duas,

Sacchari albissimi — unciam unam.

Coque lento igne usque dum consistentiam solidiusculam acquirat.

Ad expectorationem promovendam, tussimque sedandam.

SAPONEA LIQUIDA.

℞. Sacchari albissimi — uncias duas,

Amyli subtiliter pulverisati — unciam unam.

Dissolve in

Aquæ Violarum — quantitate sufficienti.

Postea sensim affunde

Olei Amygdalarum dulcium — unciam unam.

Agita omnia simul, donec fuerint perfecte mixta; & si velis paululum coque, ut sit justæ consistentiæ Saponæa.

Idem usus qui superius descriptæ; imo sola hæc apud nos communiter usurpatur.

A a 2

MU-

MUCILAGO E SEMINIBUS

EMOLLIENTIBUS.

℞. *Seminum Malvæ,*
Althææ,
Psyllii,
Cydoniorum, — ana scrupulū unum.
 Mundata ac leviter contusa infunde in
Aquæ Violarum ————— unciis sex;

deinde fortiter concute ut extrahatur Mucilago,
 quæ colata & expressa cum Sacchari albi sufficienti
 quantitate dulcificetur ad gratiam.

Pro linctu ad incrassandum usurpatur.

GELATINA CORNU CERVI.

℞. *Rasuræ Cornu Cervi* — unciam unam & semis.

Coque leniter in *Aquæ pluviae* vel *distillatæ* libris
 tribus, ad remanentiam circiter unciarum sex; de-
 coctum cola & fortiter exprime: colatum excipe
 vasculo vitreo, ut refrigeratum concreseat in Ge-
 latinam.

Usus notissimus est ad promovendum sudorem.

Præscribi solet magistraliter cum *Stibio Diapho-*
retico, vel pulveribus aliis ante congelationem mi-
 scendis.

UM

c s A

GE-

GELATINA EBORIS.

℞. Rasuræ Eboris ————— uncias tres.

Decoque leniter in Aquæ distillatæ libris sex ad remanentiam unciarum sex: decoctum fortissime expressum refrigeratione coagulabitur in Gelatinam.

Humores resolvit, ac sudores movet; in pleuritide convenit, & aliis inflammatoriis affectibus.

GELATINA RADICIS CHINÆ.

℞. Radicum Chinæ ossæ duritiæ ————— uncias quatuor & semis.

Infunde & macera in Aquæ pluviae libris sex, ad ignem lentum per sex horas: maceratas seca in taleolas tenues, ac decoque leniter in proprio infuso ad remanentiam unciarum viginti: decoctum per inclinationem separa, ac seorsim serva. Radicibus residuis libras sex Aquæ pluviae affunde, & iterum coque ad remanentiam unciarum viginti; cola & mediocriter exprime. His peractis utrumque decoctum simul commixtum recoque in balneo-maris ad remanentiam unciarum duodecim: refrigeratione Gelatinam habebis accuratissime confectam; quæ tamen simpliciori methodo ex Radice Chinæ derafa instar Gelatinæ Eboris parari potest.

In febre hectica, tabe, ac fluxionibus diuturnis.

Dosis ad cochlearia.


CON-

CONSUMMATUM CAPONIS.

R. Caponis eviscerati Carnes ab ossibus ac pinguedine separatas.

Minutim dissectas, & Aqua Rosarum ablutas immitte in cucurbitam vitream lati oris, quam rite coopertam, ac pasta obturatam in balneo-maris collocabis, ut ferveat per horas sex & amplius. Remoto ab igne vase ac refrigerato, per inclinationem effunde liquamen a carnibus fere dissolutis separatum, quod erit Succus sive Consummatum Caponis.

Ad vires instaurandas.



POTIONES SOLUTIVÆ.

POTIO SOLUTIVA MAGISTRALIS

VULGO

SYRUPUS AUREUS SOLUTIVUS.

R. Sennæ Orientalis ————— unciam semis,

Cremoris Tartari ————— drachmas duas,

Cinnamomi,

Anisforum, ————— ana drachmam semis.

Infunde in Aquæ communis tepidæ unciis novem: macera per noctem in cinerario calido, post levem ebullitionem.

ebullitionem cola, & in liquore expresso dissolve
Mannæ optimæ ————— uncias duas.

Clarifica, & cola per manicam Hippocratis.

*Habebis Syrupi vel Potionis uncias circiter quinque
aut sex, quæ consueta dosi ad purgandum.*

POTIO SOLUTIVA CUM CASSIA

VULGO

CASSIA POTABILIS.

℞. Medullæ Cassiæ e siliquis extractæ

————— unciam unam,
Sennæ Orientalis ————— unciam semis,

Cremoris Tartari ————— drachmas duas,

Cinnamomi,

Anisorum, ————— ana drachmam semis.

Fiat ut supra infusio per noctem in Aquæ tepi-
dæ unciis novem: in expresso dissolve

Mannæ electæ ————— unciam unam & semis.

Clarifica, & cola per manicam Hippocratis.

*Habebis hic pariter uncias quinque aut sex Potionis,
dosi consuetam pro purgatione.*

AUGA

Bb

CLAS.